



# Fiqhi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr . Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan

Ustadh Said Abdu

Ustadh Ahmed Yasin Mustafa

Sheikh Said Bawazir

## Swalah ya Janeza

# Swala ya Jeneza

## Kumtayarisha Maiti

Inapendekezwa kuhudhuria pale penye mtu ambaye alama za kifo zimedhihiri kwake, na kumkumbusha kusema «Laa ilaaha illa-llah» kwa kauli yake Mtume ﷺ (Walakinini maiti zenu “Laa ilaaha illa- llaah”)<sup>(1)</sup>.

Akifa atafumbwa macho yake na afinikwe nguo na kufanywe haraka kumtayarisha kwa mazishi na kumswalia na kumzika.

## Hukumu ya kumuosha maiti na kumtayarisha na kumzika

Kumuosha maiti, kumkafini, kumbeba, kumswalia, na kumzika ni katika faradhi inayotosheleza. Wakifanya baadhi ya waislamu inapomoka madhambi kwa waliobakia.



## Yaliyomo

Kumtayarisha maiti

Hukumu za kumuosha maiti na kumtayarisha na kumzika

Hukmu ya kumuosha Maiti

Namna ya kumuosha maiti

Kumkafini maiti

Kumswalia maiti

Nguzo za Swala ya maiti

Sunna za Swala ya maiti

Namna ya kumswalia maiti

Kumbeba maiti na kumshindikiza na kumzika

Taaziya

Kuzuru makaburi

Yanayokatazwa kufanyiwa maiti

Miongoni mwa hukumu za jeneza

(1) Imepokewa na Muslim.



## Hukumu ya kumuosha maiti

1. Yatakikana achaguliwe mtu mwaminifu wa kuosha maiti, pai awe mjuzi wa hukumu za kuosha.
2. Hutangulizwa kuosha yule mtu ambaye maiti mwenyewe alikuwa ameusia aoshwe na yeye. Kisha yule aliye karibu zaidi na maiti, iwapo ana ujuzi wa hukumu za kuosha. Akitokuwa hivyo, basi atatangulizwa mwenye ujuzi wa hilo.
3. Mwanamume huoshwa na wanaume, na mwanamke huoshwa na wanawake. Na kila mmoja miongoni mume na mke anafaa kumuosha mwenzake, kwa kauli ya Mtume ﷺ kumwambia Aishah ؓ: **(Hakuna cha kukudhuru, lau wafa kabla yangu nikakuosha, nikakukafini na nikakuswalia kisha nikakuzika)**<sup>(1)</sup>. Pia inafaa kwa wanaume na wanawake kuwaosha watoto walio chini miaka saba. Na haifai kwa Muislamu - awe mwanamume au mwanamke- kumuosha kafiri, walakubeba jeneza yake wala kumkafini wala kumswalia, hata kama ni jama yake wa karibu kama vile baba.
4. Shahidi aliyekufa vitani haoshwi wala hakafiniwi wala haswaliwi, bali huzikwa na nguo zake.
5. Afikapo tisha- naye ni mwana aliyetoka kwenye tumbo la mamake kabla ya kutimia umbo lake, awe ni mwanamume au ni mwanamke- miezi minne, ataoshwa, akafiniwe na aswaliwe. Kwani yeye baada ya miezi minne huwa ashakuwa na umbo la binadamu kamili.
6. Maji ya kuoshea maiti ni sharti yawe ni maji yanayofaa kujitwahirishia na yawe ni ya halali, na aoshwe mahali pa sitara, na haifai kuhudhuria asiyekuwa na mafungamano yoyote na kumuosha maiti.

(1) Imepokewa na Ibn Maajah.



## Namna ya kumuosha maiti

1. Maiti awekwe juu ya kitanda cha kuoshewa, kisha afinikwe uchi wake, kisha avuliwe nguo zake, afichwe na macho ya watu ndani ya chumba au mfano wake.
2. Inapendekezwa kwa muoshaji atatie kitambaa mkononi mwake wakati wa kuosha.
3. Muoshaji atakiinuwa kichwa cha maiti akaribie kumkalisha, kisha apitishie mkono wake kwenye tumbo lake na alikamue, kisha aisafishie tupu yake ya mbele na ya nyuma kwa kuosha najisi yoyote iliyopo.
4. Muoshaji atanulia kuosha na atapiga bismillahi.
5. Muoshaji atamtawadhisha maiti kama udhu wa Swala, isipokuwa katika kusukutua na kupaliza

## Mlango wa Swala

puani, huwa inatosha kumpukusa kinywa na pua.

6. Atakiosha kichwa cha maiti na ndevu zake kwa maji ya mkunazi au sabuni au kinginecho.
7. Ataosha sehemu ya kulia kisha sehemu ya kushoto, kisha atakamilisha sehemu ya mwili iliyosalia.
8. Inapendekezwa atie kafuri katika osho la mwisho.
9. Atampangusa maiti.
10. Amuondolee maiti vitu vinavyotakikana kuviondoa kama kucha, nywele za kinena (nywele za sehemu ya siri) na makapwa.
11. Atazisuka mkili nywele za mwanamke aziweke nyuma yake

### Faida

- Lawajibu ni osho moja iwapo litatosha kumsafisha, na linalopendekezwa ni kumuosho mara matatu, hata kama ashasafishika.
- Ikitowezekana kumuosha maiti kwa kukosekana maji au ukiwa mwili umekatikakatika kwa moto au mfano wake, atatayamamishwa kwa mchanga.
- Inapendekezwa kwa mwenye kumuosha maiti aoge baada ya kumaliza kuosha.







Atamuinuwa muoshaji ichwa cha maiti



Atatie muoshaji kitambaa mkononi mwake



Atawekwa maiti juu yakitanda cha kuoshewa



Muoshaji atabonyeza kwa mkono wake tumbo la maiti na kumkamua kwa upole



Muoshaji atamtawadhisha maiti kama udhu waswala



Atamuosha kichwa cha Maiti na ndevu zake kwa maji na mkunazi



Atamuosha upande wakulia kisha upande wakushoto



Atampanguswa maiti

## Mlango wa Swala

### Kumkafini maiti

1. Sunna ni kumkafini mwanamume katika lifafa tatu nyeupe za pamba, zisizoonyesha ngozi ya mwili, yenye kusitiri mwili wake wote, wala zisiwe ni za ghali.

Na mwanamke anakafiniwa ndani ya nguo tano za pamba: nguo ya chini, msuani, kanzu na lifafa mbili.

Na mtoto wa kiume anakafiniwa kwenye nguo moja, na inafaa pia kukafiniwa kwa nguo tatu, na mtoto wa kike anakafiniwa kwenye kanzu lifafa mbili za nguo.

2. Lifafa tatu zinaletwa na zinafukizwa kwa udi, kwa kauli yake Mtume ﷺ: (Mkifukiza<sup>(1)</sup> maiti basi fanyeni witiri (mara tatu))<sup>(2)</sup>.
3. Lifafa hizi zitatengwa kila lifafa juu ya nyingine, na baina ya kila lifafa kutatiwa mafuta mazuri kama vile ambari, kafuri, miski na mfano wake. Isipokuwa akiwa maiti yuko kwenye ihramu, hapo nguo yake haitafukizwa kwa udi wala haitatiwa manukato kwa kauli ya Mtume ﷺ: (Wala msimgusishe mafuta mazuri)<sup>(3)</sup>.

(1) Jammara: yaani kufukiza kwa udi

(2) Imepokewa na Ibnu Hibbaan

(3) Imepokewa na Ibn Maajah.



Kuweka manukato katika lifafa (sanda)

4. Atawekwa maiti akiwa amelala kwa mgongo juu ya hizi lifafa, kisha itavutwa ile ncha ya lifafa ya juu ya upande wa kushoto kwenye upande wake wa kulia, kisha itapelekwa ncha yake ya kulia kwenye upande wa kushoto, kisha ile ya pili, kisha ya tatu, kisha ile sehemu iliyozidi huwekwa usoni mwake, kisha hufungwa fundo kwa ufiti wa kufungia ili isifunguke, na wakati wa kuzikwa hufunguliwa.



Atawekwa maiti kwa kulala kwatani

5. La wajibu ni kusitiri mwili wote. Iwapo hakuna ila nguo moja tu haitoshi kuenea mwili mzima, basi atafinikiwa kichwa chake, na katika miguu yake yatawekwa majani ya idhkhir<sup>(4)</sup>, kwa kauli ya Mtume ﷺ kumwambia Khabbaab katika kisa cha kukafiniwa Mus'ab bin 'Umair: (Akatuamrisha Nabii ﷺ tukifinike kichwa chake na tuweke kwenye miguu yake majani ya idhkhir)<sup>(5)</sup>.



Kusitiri mwili mzima

6. Aliyekufa katika hali ya ihramu atakafiniwa kwenye nguo zake mbili alizohirimia, wala

(4) Idhkhir: mmea wenye harufu nzuri.

(5) Imepokewa na Bukhari.



hafunikwi kichwa mwanamume aliyekufa katika hali ya ihramu, kwa neno lake Mtume ﷺ: (Muosheni kwa maji na mkunazi. Na mkafinini kwenye nguo mbili, na msimpake manukato <sup>(1)</sup>, wala msimfunike kichwa chake<sup>(2)</sup>, kwani atafufuliwa siku ya Kiyama akiwa analeta talbiah (Labbaika llaahumma labbaika..) <sup>(3)</sup><sup>(4)</sup>).



## Swala ya Maiti

### Nguzo za Swala ya maiti

1. Kusimama kwa anayeweza.
2. Takbiri nne..
3. Kusoma Fatiha.
4. Kumswalia Mtume ﷺ.
5. Kumuomba Maiti Dua
6. Kutugamanisha (kutaratibisha).
7. Kutoa Salamu.

### Sunna za Swala ya Maiti

1. Kuleta A>udhu..kabla ya kusoma.
2. Kujiomba dua mwenye kuswali na kuwaomba Waislamu.
3. Kusoma kwa siri.
4. Kuzifanya safu ziwe nyingi, ziwe tatu au zaidi.

### Namna ya kuswalia maiti

Atasimama imamu kwenye kichwa cha maiti iwapo ni mwanamume, na katikati ya maiti iwapo ni mwanamke. Na maamuma watasimama nyuma yake kama ilivyo kwenye Swala nyingine, kisha atapiga takbiri nne kama ifuatavyo:

1. Atapiga takbiri ya kwanza, nayo ni takbiri ya kufungia Swala, na ataleta Audhu.. na apige

(1) Hanuutw: Manukato yaliyochanganywa ya kutiwa kwenye kafani za maiti.

(2) Laa tukhammiu ra'sahu: msimfunike kichwa chake.

(3) Mulabbiya: analeta talbiah: (Labbaika llaahumma labbaika).

(4) Imepokewa na Bukhari.



bismillahi.. na asisome dua ya kufungulia Swala, kisha asome Fatiha.

2. Atapiga takbiri ya pili, na atamswalia Mtume ﷺ kama ilivyo namna ya kumswalia Mtume katika kikao cha Atahiyatu ya mwisho.
3. Atapiga takbiri ya tatu, na atamuomba maiti. Na miongoni mwa dua ni kusema: (Ewe Mola! Mghufirie na umrehemu, umpe afya na umsamehe, ukirimu mashukizi yake na umpanulie njia yake kuingilia (Peponi), Umsafishe kwa maji, theluji na barafu, umtakase kutokana na dhambi kama inavyo takaswa nguo nyeupe na uchafu, Umbadilishie nyumba umpe nyumba ya kheri kuliko nyumba yake alokuwa nayo, na watu wa kheri zaidi kuliko watu alokuwa nao, na mke wa kheri kuliko yule alokuwa naye, Umtie peponi na umlinda na adhabu ya kaburi, au adhabu ya Moto)<sup>(5)</sup>. Na iwapo maiti ni mwanamke kutatumika dhamiri za kike (dua isomwapo kwa Kiarabu)

(5) Imepokewa na Muslim.

## Mlango wa Swala

Na maiti akiwa ni mtoto mdogo au ni tisha<sup>(1)</sup> atasema: (Ewe Mola! Mjaalie ni akiba ya wazazi wake na kitangulizi chema<sup>(2)</sup> na ni thawabu kwao na kiombezi mwenye kukubaliwa dua)<sup>(3)</sup>.

4. Atapiga takbiri ya nne, na atanyamaza kidogo, kisha atatowa Salamu moja upande wake wa kulia au salamu mbili.

## Kumbeba maiti na kumshindikiza na kumzika

Kunapomalizika kumswalia maiti, sunna ni kufanya haraka kumbeba kumpeleka kwenye kaburi lake. Na imesunniwa kwa anayefuata jeneza kushiriki kulibeba. Na imesunniwa kwa anayemuigiza maiti kaburini asema: *BISMILLAH WA'ALAA MILLATI RASULILLAH* (Kwa jina la Mwenyezi Mungu, na kwa mila ya Mtume wa Mwenyezi Mungu)<sup>(4)</sup>, na amuweke ufukoni<sup>(5)</sup> kwa ubavu wake wa kulia na uso wake uelekee Kibla, kisha alifunguwe fundo la kafani, kisha uzibwe mwanya wa ufuko kwa udongo.

Na ni sunna kwa aliyehudhuria mazishi ajaze mchanga vitanga vyake vya mikono na aurusha kaburini mara tatu. Kisha kaburi ifinikwe kwa mchanga, na iinuliwe juu ya ardhi kadiri ya shubiri moja, na viwekwe juu yake vijiwe na mawe, na inyunyizwe maji. Na si makosa kuweka jiwe kubwa kwenye ncha moja ya kaburi au ncha zote mbili liwe ni alama yake.

(1) Siqtw: mwana wa matumboni anayezaliwa kabla ya kukamilika.  
(2) Faratw: aliyetanguliwa na kuwa wa mwanzo.  
(3) Imepokewa na Bukhari.  
(4) Imepokewa na Tirmadhi.  
(5) Lahd: ni kufukuliwa kwenye ardhi ngumu shimo lenye urefu na kuengeza kufukuwa upande wake wa Kibla.

## Kutaazii

Inapendekezwa kuwataazii waliofiliwa, kwa kuwa hilo linakunjua nafsi zao na linapunguzia msiba wao, na kuwahimiza wasubiri.

Na taazia inafaa kwa neno lolote lenye kutimiza lengo la kutaazii, kama vile kusema: (Ni cha Mwenyezi Mungu alichokichukua, na ni chake alichotoa, na kila kitu, kwa Mwenyezi Mungu, kina muda wake uliyoandikwa)<sup>(6)</sup>. Na mfano wa maneno haya.



## Wanawake kutoka kufauata jeneza

wanawake Kutoka kufuata jeneza ni jambo lisiloambatana na Sheria, kwa hadithi iliyothubutu kutoka kwa Ummu 'Atwiyyah ؓ kuwa alisema: (Tulikatazwa kubeba jeneza na hatukuwekewa mkazo)<sup>(1)</sup>.

(1) Imepokewa na Ibnu Maajah



## Kuzuru makaburi

Ni sunna kuzuru makaburi kwa wanaume kwa lengo la kuwaidhika na kuwaombea wafu, kwa kuwa Mtume ؐ alisema: (Niliwakataza kuzuru makaburi, basi sasa yazuruni, kwani hayo yanawakumbusha Akhera)<sup>(7)</sup>.

Miongoni mwa dua zilizokuja za kuombwa wakati wa kuyazuru makaburi ni: (Amani iwafikie  
(6) Imepokewa na Bukhari.  
(7) Imepokewa na Muslim.



nyinyi, enyi mlio kwenye nyumba ya watu Waumini! Na sisi pale atakapo Mwenyezi Mungu ni wenye kukutana nanyi<sup>(1)</sup>.

Au (Amani iwashukie watu wa nyumba hizi kati ya walioamini na kujisalimisha kwa Mwenyezi Mungu. Na Mwenyezi Mungu Awarehemu waliotangulia na waliokuja nyuma. Na sisi atakapo Mwenyezi Mungu ni wenye kukutana nanyi)<sup>(2)</sup>.

(Namuomba Mwenyezi Mungu Atuaфу sisi na nyinyi)<sup>(3)</sup>.

Na lau atawaombea rehema na msamaha na mfano wake, basi hilo linafaa.

## Makatazo yanayo ambatana na jeneza

1. Kuomboleza na kulia kwa makelele<sup>(4)</sup>, kuonyesha papatiko na hasira juu ya uamuzi wa Mwenyezi Mungu na kadara Yake. Anasema Mtume ﷺ: (Mwanamke anayelia kwa makelele kwa kufiwa, iwapo hatatubia kabla hajafa, atasimamishwa siku ya Kiyama akiwa amevaa nguo ya shaba<sup>(5)</sup>)<sup>(6)</sup>.
2. Kupasua nguo, kujipiga makofi, kupiga kelele, kusumua nywele au kunyoa. Amesema Mtume wa Mwenyezi Mungu: ﷺ: (Si miongoni mwetu mwenye kujipiga makofi au akapasua nguo au akaita mwito wa kijahilia (wa kuomboleza))<sup>(7)</sup>

(1) Imepokewa na Muslim.

(2) Imepokewa na Muslim.

(3) Imepokewa na Muslim.

(4) Nadb: Kutaja mema ya maiti pamoja na kulia

(5) Niyaahah: Kumlilia maiti kwa kelele.

(6) Qatwiraan: Kanzu ya shaba iliyoyayushwa.

(7) Imepokewa na Muslim.



Kushiriki katika kubeba jeneza



Ufuko




Atajaza mchanga kwenye vitanga vyake vya mikono na aurusha kaburini



Alama juu ya kaburi



## Mlango wa Swala



Haifai kuyangarisha makaburi kwa taa wala kuyakandika



### 3. Kuwasha taa makaburini:

Ibnu 'Abbas ؓ amepokewa akisema: (Mtume wa mwenyezi Mungu amewalaani wanawake wenye kuzuru makaburi na watu wenye kufanya misikiti juu yake na kuwasha taa<sup>(1)</sup>)<sup>(2)</sup>.

### 4. Kukaa juu ya makaburi au kuyakandika au kuyajengea. Jabir ؓ amepokewa akisema: (Alikataza Mtume wa Mwenyezi Mungu kaburi isikandikwe<sup>(3)</sup>, isikaliwe na isijengewe)<sup>(4)</sup>.


(1) Imepokewa na Muslim.

(2) Suruj: taa.

(3) Yujasswaswu: kukandikwa.

(4) Imepokewa na Muslim.

5. Kutabaruku kwa makaburi na kuyazunguka na kuwaomba wafu. Haya ni miongoni mwa ushirikina iwapo mtu ataitakidi kuwa hivyo vinamnufaisha au kumduru, kwani hakuna mwenye kunufaisha au kuduru isipokuwa Mwenyezi Mungu. Mwenyezi Mungu Anasema ﷻ: {Sema: Siimilikii nafsi yangu manufaa wala madhara, ila apendavyo Mwenzi Mungu.} [7: 188]



Haifai kuyazunguka makaburi





6. Kuzika ndani ya misikiti, au kujenga misikiti juu ya makaburi au kuswali kuelekea kaburi.

Mtume wa mwenyezi Mungu ﷺ alisema: (Mwenyezi Mungu Amewalaani Mayahudi na Manaswara, waliyafanya makaburi ya manabii wao kuwa ni misikiti)<sup>(1)</sup>.

## Miongoni mwa hukumu za Swala ya jeneza

1. Mwenye kukosa Swala ya maiti atamswalia kaburini kabla ya kuzikwa au baada yake, kwa hadithi iliyothubutu kwa Mtume ﷺ katika kisa cha mwanamke aliyekuwa akisafisha msikiti alipo kufa na kuzikwa Mtume ﷺ alikwenda akamswalia kaburini <sup>(2)</sup>.
2. Inapendekezwa kutayarishiwa watu waliofliwa chakula, kwa kuwa wao wameshughulishwa na msiba na kutotayarisha chakula.

Kwa ilivyopokewa kuwa jamii ya Jaafar walipofiliwa, Mtume ﷺ akasema: (Wafanyieni jamii ya Jaafar chakula, kwa kuwa wamejiwa na jambo la kuwashughulisha)<sup>(3)</sup>.

3. Kumlilia maiti, bila kujitia hasira wala kuinua sauti wala kuomboleza, kunafaa. Mtume ﷺ Amesema alipokufa mwanawe, Ibrahim: (Kwa hakika jicho linatokwa na machozi na moyo unasikitika, na hatusemi isipokuwa linalomridhisha Mola wetu. Na sisi, ewe Ibrahim!, tuna huzuni)<sup>(4)</sup>.
4. Shahidi wa vitani atazikwa na nguo zake alizouawa nazo, na haoshwi wala haswaliwi, kwa hadithi iliyothubutu kwamba Mtume ﷺ aliamrisha wazikwe mashahidi wa vita vya Uhud wazikwe wakiwa na damu zao na wasioshwe <sup>(5)</sup>.
5. Akifa aliye kwenye hali ya Ihramu ya Hija au ya Umra, ataoshwa na hatatiwa manukato, wala hatafinikwa kichwa chake na ataswaliwa.

(1) Imepokewa na Bukhari.

(2) Imepokewa na Bukhari.

(3) Imepokewa na Abuu Daud.


(4) Imepokewa na Bukhari.

(5) Imepokewa na Bukhari.

Hii ni kwa iliyothubutu kwamba Mtume ﷺ alisema kuhusu mtu aliyekufa naye yuko kwenye Ihramu ya Hija: (Muosheni kwa maji na mkunazi, na mkafinini ndani ya nguo mbili, wala msimfinike kichwa chake, kwani yeye atafufuliwa Siku ya Kiyama katika hali ya kuleta Labeka)<sup>(6)</sup>.



Kuwafanyia chakula waliofliwa



Shahidi huzikwa akiwa na nguo zake



## Mlango wa Swala

